

UGOVOR

o realizaciji odobrenih sredstava iz Budžeta Grada Sarajeva za 2024. godinu

I UGOVORNE STRANE

1. **Grad Sarajevo**, ul. Hamdije Kreševljakovića broj 3, Sarajevo, kojeg zastupa gradonačelnica, prof. dr. Benjamina Karić, u daljnjem tekstu: Davalac sredstava.
2. **KJU „Dom za socijalno zdravstveno zbrinjavanje osoba sa invaliditetom i drugih osoba“ - Sarajevo**, ul. Nahorevska 195, Sarajevo, koju zastupa direktor, Hazim Durmišević, u daljnjem tekstu: Korisnik sredstava.

II PREDMET UGOVORA

Član 1.

Predmet ovog Ugovora je realizacija odobrenih sredstava iz Budžeta Grada Sarajeva za 2024. godinu („Službene novine Kantona Sarajevo“, broj 55/23) s pozicije 615 100: Kapitalni transferi drugim nivoima vlasti i fondovima – KJU Dom za socijalno zdravstveno zbrinjavanje osoba sa invaliditetom i drugih osoba Nahorevo, u iznosu od 30.000,00 KM (slovima: tridesethiljada KM).

Član 2.

Sredstva planirana u Budžetu Grada Sarajeva za 2024. godinu, na poziciji iz člana 1. ovog Ugovora, odobrena su po osnovu Zahtjeva KJU „Dom za socijalno zdravstveno zbrinjavanje osoba sa invaliditetom i drugih osoba“ – Sarajevo, protokolisanog pod brojem: 07-11-2049/24 od 15.02.2024. godine, za korištenje sredstava iz Budžeta Grada Sarajeva za 2024. godinu, za kupovinu bolesničkih kreveta.

III OBAVEZE UGOVORNIH STRANA

Član 3.

Davalac sredstava obavezuje se da će novčana sredstva iz člana 1. ovog Ugovora doznačiti Korisniku sredstava nakon zaključivanja Ugovora.

Član 4.

Sredstva iz člana 1. ovog ugovora davalac sredstava će uplatiti na transakcijski račun Korisnika sredstava, broj: 1411965320008475, kod Bosna Bank International d.d. Sarajevo, Budžetska organizacija: 2303001, Općina: 077, Vrsta prihoda: 732115, Poziv na broj: 2000000000.

Član 5.

Korisnik sredstava se obavezuje da će odobrena sredstva iz člana 1. ovog ugovora utrošiti namjenski, u skladu s Budžetom Grada Sarajeva za 2024. godinu i prema Zahtjevu iz člana 2. ovog ugovora.

Član 6.

Korisnik sredstava se obavezuje da u roku od 30 (trideset) dana od dana utroška sredstava iz člana 1. ovog ugovora, gradonačelnici Grada Sarajeva, putem Gradske službe za lokalno poslovanje koja je zadužena za praćenje i realizaciju Ugovora, dostavi Izvještaj i finansijsku dokumentaciju o namjenskom utrošku sredstava koja su doznačena iz Budžeta Grada Sarajeva za 2024. godinu, i to:

- Narativni izvještaj o namjenskom utrošku sredstava dodijeljenih iz Budžeta Grada Sarajeva za tekuću godinu;
- Pregled utroška dodijeljenih sredstava sa obrazloženjem u skladu sa finansijskom konstrukcijom iz zahtjeva;
- Ovjerene kopije faktura ili fiskalni računi od davaoca usluga ili dobavljača;
- Izvod banke o izvršenom plaćanju na račun komitenta.

Član 7.

Korisnik sredstava je saglasan i obavezuje se da u svim javnim i promotivnim istupima, uključujući društvene mreže i ostale kanale komuniciranja, kao i svaki drugi pogodan način, ističe značaj, ulogu i podršku Grada Sarajeva u kupovini bolesničkih kreveta.

Član 8.

Davalac sredstava zadržava pravo da zahtijeva povrat odobrenih sredstava iz člana 1. ovog ugovora ukoliko utvrdi da Korisnik sredstava ista nije namjenski utrošio.

Član 9.

Ugovorne strane saglasne su da sve eventualne sporove rješavaju mirnim putem, a u protivnom ugovaraju nadležnost suda u Sarajevu.

IV OSTALE ODREDBE

Član 10.

Na odnose između ugovornih strana koji nisu određeni ovim ugovorom, primjenjuju se odredbe Zakona o obligacionim odnosima.

Član 11.

Sve eventualne dopune ili izmjene ovog ugovora, moguće su samo sačinjavanjem aneksa ugovora.

Član 12.

Ugovor stupa na snagu danom potpisivanja od strane ovlaštenih lica ugovornih strana.

Član 13.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Grad Sarajevo

KJU „Dom za socijalno zdravstveno zbrinjavanje osoba sa invaliditetom i drugih osoba“ - Sarajevo

Gradonačelnica

Prof. dr.

Karić

Broj: 01/07-11-2049-2/24

Sarajevo, 28.3.2024.

